

# **UNIVERZITET U SARAJEVU**

## **- SENAT -**

Broj: 0101-I-1027/06

Sarajevo, 03.07.2006. godine

### **Z A P I S N I K SA 17. SJEDNICE SENATA ODRŽANE 03.07.2006. GODINE**

Prisutni članovi Senata: Prof. dr. Hasan Muratović, rektor i prof. dr. Mensur Hajro, prorektor, članovi Senata sa visokoškolskih ustanova: Prof. Nusret Pašić, prof. dr. Zehra Kreho (po ovlaštenju Dekana), prof. dr. Ahmet Hadrović, prof. dr. Muris Čičić, prof. dr. Kemo Sokolija, prof. dr. Adnan Silajdžić, prof. dr. Hidajet Repovac, prof. dr. Ismet Grbo, prof. dr. Izet Rađo, prof. dr. Šefkija Čekić, prof. dr. Elvira Kovač-Bešović, prof. dr. Samir Arnautović, prof. dr. Ilijas Tanović, prof. dr. Muhamed Zlatar, prof. dr. Stjepan Marić, prof. dr. Osman Durić, prof. dr. Selma Ferović, prof. dr. Obrad Šarenac, prof. dr. Vjekoslav Selak, prof. dr. Mustafa Imamović, prof. dr. Muharem Avdispahić, prof. dr. Rifat Škrijelj, prof. dr. Nenad Tanović, prof. dr. Mirjana Malić, prof. dr. Faruk Mekić, prof. dr. Faruk Čaklovica i prof. dr. Faruk Dalagija, te prof. dr. Faris Gavrankapetanović (KCU), dr. Ismet Ovčina (NUB) i Denis Čamdžić, student.

Ostali prisutni: Prof. dr. Salih Fočo (kandidat za rektora), članovi Konkursne komisije: doc. dr. Borislav Petrović, Zoran Selesković, dipl.iuris, Svjetlana Hasanagić, dipl.iuris, Ismeta Dilberović, dipl.iuris i Jasna Bundalo, dipl.iuris, te prof. dr. Almedina Zuko (dekan Veterinarskog fakulteta).

Odsutni članovi Senata: Prof. dr. Ljerka Babić, prof. dr. Nikola Kovač i prof. dr. Munib Maglajlić (opravdano).

Zasjedanje je počelo u 13,00 sati.

Prof. dr. Hasan Muratović otvorio je sjednicu i obavijestio članove Senata da sjednici, zbog bolesti, ne prisustvuju prorektori prof. dr. Ljerka Babić i prof. dr. Nikola Kovač.

Zatim se za riječ javio prof. dr. Obrad Šarenac i istakao da ima primjedbu na dostavljeni dnevni red. Naime, predložio je da se odloži utvrđivanje kandidata za rektora Univerziteta u Sarajevu za mandatni period 2006-2008. godina, te da se to razmatra u oktobru ove godine.

Obrazložio je svoj prijedlog činjenicom da bi bila velika šteta da sadašnji rektor ne nastavi svoj mandat.

Nakon prijedloga prof. dr. Obrada Šarenca vodila se rasprava u kojoj su učestvovali: prof. dr. Hasan Muratović, prof. dr. Zehra Kreho, doc. dr. Borislav Petrović, prof. dr. Ismet Grbo, prof. dr. Kemo Sokolija, prof. Nusret Pašić, prof. dr. Faris Gavrankapetanović, prof. dr. Faruk Mekić, prof. dr. Stjepan Marić, prof. dr. Nenad Tanović, prof. dr. Šefkija Čekić, prof. dr. Obrad Šarenac, prof. dr. Muris Čičić, gospodin Zoran Selesković i prof. dr. Faruk Čaklovica.

Pošto je prof. dr. Hasan Muratović zaključio raspravu, stavio je na glasanje usvajanje dnevnog reda kako je dostavljeno u pozivu za sjednicu, nakon čega je, sa 22 glasa „za“, usvojen slijedeći

### **DNEVNI RED:**

1. Utvrđivanje prijedloga kandidata za rektora Univerziteta u Sarajevu za mandatni period 2006-2008. godina.

### **TOK SJEDNICE:**

#### **Ad-1.**

Nakon obrazloženja gospodina Zorana Seleskovića, Senat je jednoglasno donio

### **ODLUKU**

da se izjašnjavanje o kandidatima za rektora obavi tajnim glasanjem.

Zatim su kandidati za rektora pristupili prezentaciji svojih programa rada i to slijedećim redoslijedom:

- Dr. Muharem Avdispahić, redovni profesor Prirodno-matematičkog fakulteta u Sarajevu
- Dr. Faruk Čaklovica, redovni profesor Veterinarskog fakulteta u Sarajevu
- Dr. Salih Fočo, redovni profesor Filozofskog fakulteta u Sarajevu i
- Dr. Mensur Hajro, redovni profesor Elektrotehničkog fakulteta u Sarajevu.

Pošto su kandidati odgovorili na pitanja koja su im, u vezi sa njihovim prezentiranim programima rada, postavili pojedini članovi Senata, prof. dr. Hasan Muratović zaključio je ovaj dio sjednice.

Na prijedlog prof. dr. Rifata Škrijelja, Senat je uz 4 glasa „protiv“ i 2 glasa „uzdržana“, donio

### **ZAKLJUČAK**

da ako u prvom krugu tajnog glasanja dva kandidata sa najvećim brojem glasova budu imali isti broj glasova, pristupit će se drugom krugu tajnog glasanja.

Povodom naprijed donesenog zaključka, a na prijedlog prof. dr. Farisa Gavrankapetanovića, jednoglasno je donesen

### **ZAKLJUČAK**

da se Upravnom odboru Univerziteta u Sarajevu uputi stav u kojem će se istaći da Upravni odbor treba ispoštovati volju Senata u odnosu na kandidata za rektora Univerziteta u Sarajevu koji dobije najveću podršku prilikom tajnog glasanja.

Nakon kraće pauze, članovi Senata pristupili su tajnom glasanju.

Po povredenom glasanju doc. dr. Borislav Petrović, predsjednik Komisije za provođenje Konkursa za izbor i imenovanje rektora Univerziteta u Sarajevu, podnio je slijedeći

**I Z V J E Š T A J**  
**SA GLASANJA ZA NOMINIRANJE KANDIDATA**  
**ZA REKTORA UNIVERZITETA U SARAJEVU**

Glasanje za nominiranje kandidata za rektora Univerziteta u Sarajevu za mandatni period 2006-2008. godine održano je u prostorijama Rektorata Univerziteta u Sarajevu u ponedjeljak 03.07.2006. godine u periodu od 15,40 do 15,55 sati.

Prije pristupanja glasanju Komisija u sastavu:

1. Dr. Borislav Petrović, docent Pravnog fakulteta u Sarajevu, predsjednik
2. Zoran Selesković, dipl.iuris, generalni sekretar Univerziteta u Sarajevu, član
3. Svjetlana Hasanagić, dipl.iuris, sekretar Muzičke akademije u Sarajevu, član
4. Ismeta Dilberović, dipl.iuris, sekretar Šumarskog fakulteta u Sarajevu, član i
5. Jasna Bundalo, dipl.iuris, uposlenik u Rektoratu Univerziteta u Sarajevu, član

utvrdila je da je glasački materijal ispravan (birački spiskovi, glasačka kutija i glasački listići). Konstatovano je da ima ukupno 41 glasački listić.

Zatim se pristupilo glasanju koje je proteklo uredno.

Od ukupno 35 birača upisanih u birački spisak glasalo je 32 birača.

Prebrojavanjem i pregledom glasačkih listića utvrđeno je da je ispravan 31 listić, neispravan 1 listić, a da je 9 listića neupotrebljeno.

Rezultati glasanja prema 31 ispravnom glasačkom listiću su slijedeći:

- Dr. Muharem Avdispahić, redovni profesor Prirodno-matematičkog fakulteta u Sarajevu, dobio je 6 glasova;
- Dr. Faruk Čaklovića, redovni profesor Veterinarskog fakulteta u Sarajevu, dobio je 11 glasova;
- Dr. Salih Fočo, redovni profesor Filozofskog fakulteta u Sarajevu, dobio je 3 glasa i
- Dr. Mensur Hajro, redovni profesor Elektrotehničkog fakulteta u Sarajevu, dobio je 11 glasova.

Komisiji su od strane protokola Rektorata Univerziteta u Sarajevu dostavljene 3 (tri) izjave članova Senata u odsustvu (prof. dr. Ljerka Babić, prof. dr. Nikola Kovač i prof. dr. Munib Maglajlić).

Komisija konstatuje da ove izjave ne može prihvatiti kao valjane glasačke listiće, te ih odbacuje.

Pošto je iz rezultata glasanja, shodno naprijed podnesenom Izvještaju, utvrđeno da su:

- Dr. Faruk Čaklovića, redovni profesor Veterinarskog fakulteta u Sarajevu i
- Dr. Mensur Hajro, redovni profesor Elektrotehničkog fakulteta u Sarajevu

dobili jednak broj glasova, pristupilo se drugom krugu tajnog glasanja.  
Nakon okončanog drugog kruga glasanja, doc. dr. Borislav Petrović podnio je slijedeći

**I Z V J E Š T A J**  
**SA DRGOG KRUGA GLASANJA ZA NOMINIRANJE KANDIDATA**  
**ZA REKTORA UNIVERZITETA U SARAJEVU**

Glasanje za nominiranje kandidata za rektora Univerziteta u Sarajevu za mandatni period 2006-2008. godine u drugom krugu održano je u prostorijama Rektorata Univerziteta u Sarajevu u ponedjeljak 03.07.2006. godine u periodu od 16,15 do 16,22 sati.

Prije pristupanja glasanju Komisija u sastavu:

1. Dr. Borislav Petrović, docent Pravnog fakulteta u Sarajevu, predsjednik
2. Zoran Selesković, dipl.iuris, generalni sekretar Univerziteta u Sarajevu, član
3. Svjetlana Hasanagić, dipl.iuris, sekretar Muzičke akademije u Sarajevu, član
4. Ismeta Dilberović, dipl.iuris, sekretar Šumarskog fakulteta u Sarajevu, član i
5. Jasna Bundalo, dipl.iuris, uposlenik u Rektoratu Univerziteta u Sarajevu, član

utvrdila je da je glasački materijal ispravan (birački spiskovi, glasačka kutija i glasački listići). Konstatovano je da ima ukupno 35 glasačkih listića.

Zatim se pristupilo glasanju koje je proteklo uredno.

Od ukupno 35 birača upisanih u birački spisak glasalo je 32 birača.

Prebrojavanjem i pregledom glasačkih listića utvrđeno je da je ispravno 29 listića, neispravna 3 listića, a da su 3 listića neupotrebljena.

Rezultati glasanja prema 29 ispravnih glasačkih listića su slijedeći:

- Dr. Faruk Čaklović, redovni profesor Veterinarskog fakulteta u Sarajevu, dobio je 17 glasova, a
- Dr. Mensur Hajro, redovni profesor Elektrotehničkog fakulteta u Sarajevu, dobio je 12 glasova.

Pošto je naprijed navedeni Izvještaj prihvaćen, zaključeno je da se isti, u skladu sa utvrđenom procedurom, dostavi Upravnom odboru Univerziteta u Sarajevu na dalji postupak

Sjednica je završena u 16,40 sati.

**R E K T O R**

*Prof. dr. Hasan Muratović*

Zapisničar:

Jasna Bundalo, dipl.iur.